

## Lan-eskaintzen erregistroa 2023ko otsailean

### • ERREGISTRATUTAKO LAN-ESKAINNTZA KOPURUA

Euskal Autonomia Erkidegoko enplegu-bulegoetan 1.047 eskaintza erregistratu dira 2023ko otsailean, urtarrian baino 331 gutxiago eta 2022ko otsailean baino 64 gutxiago.


### • LURRALDE HISTORIKOAK

Kudeaketako Administrazio Unitatearen (UAG) lurralde historikoari dagokionez, 2023ko otsailean 200 eskaintza erregistratu dira Araban, 380 Gipuzkoan eta 467 Bizkaian. Eskaintzen % 44,6 Gipuzkoako UAGetan erregistratu dira, % 36,3 Bizkaian eta % 19,1 Araban.

Arabaren, hilabete honetan, eskaintzak % 13,4 jaitsi dira (31 eskaintza gutxiago); Bizkaian % 3,9 (19 eskaintza gutxiago) eta Gipuzkoan % 42,5 (281 eskaintza gutxiago).

Aurreko urteko hil beraren aldean, eskaintzak 14 gehitu dira Araban (% 7,5eko igoera); Bizkaian 4 eskaintza gutxiago izan dira (%-0,9) eta Gipuzkoan nabarmenagoa izan da jaitsiera: 74 eskaintza gutxiago eta % 16,3ko jaitsiera.

Eskaintzaren Lurralde Historikoa



### • ESKAINTZAREN OKUPAZIOA


Okupazio-profilei dagokienez, EAEn zientzia-teknikarien profilak izan ditu eskaintza gehien: 245 eskaintza eta eskaintza guztien % 23,4. Ondoren, laguntza-teknikarien profila dator, 173 eskaintzarekin eta % 16,5eko pisuarekin. Zerbitzuen, industriaren eta kualifikaziorik gabekoen okupazio-profilek ere pisu handia dute erregistratutako eskaintzei dagokienez; 168,160 eta 105 eskaintza izan dute, hurrenez hurren. Eskaintza gutxien erregistratu dituzten profilak zuzendari-tzako eta lehen mailako profilak dira, 4 eta 37 eskaintzarekin, hurrenez hurren.

Joan den hilabetearekin alderatuta, profil guztietako eskaintzen kopuruak behera egin du, zuzendarienak izan ezik, horiek 4tik 13ra igo baitira hilabete honetan. Gehien jaitsi den profila, balio absolutuei dagokienez, kualifikatu gabekoena izan da, 120 eskaintza gutxiagorekin eta % 53,3ko jaitsierarekin; termino erlatiboetan, jaitsierarik handiena lehen mailako profileko eskaintzetan izan da, % 64,9ko jaitsierarekin (24 eskaintza gutxiago).

Urte arteko saldoari dagokienez, igoerarik handiena, balio absolutuetan, profil tekniko-zientifikoko eskaintzetan gertatu da (27 eskaintza gehiago, % 12,4ko igoera); balio erlatiboetan, igoerarik handiena operadoreen profilean gertatu da, % 24,6ko hazkundearekin (15 eskaintza gehiago). Aitzitik, jaitsiera handiena, bai ehunekotan, bai absolutuan, industriaren profilean gertatu da, 43 eskaintza gutxiagorekin eta % 21,2ko jaitsierarekin.

### • KONTRATU MOTA


Erregistratutako eskaintzen % 41,3 mugagabeak izan dira, eskaintzen % 58,2 aldi baterakoak, eta gainerako % 0,6 merkataritzakoak. Kontratu mugagabeen eskaintzen ehunekoa oso handia da; lehen aldiz gainditu du % 40ko muga, eta indartu egin da 2021aren amaieran hasitako kalitate handiagoko eskaintzak aragotzeko joera. Eskaintza mugagabeak 432 izan dira, aurreko hilean baino 18 gehiago ( % 4,4 gehiago). Aitzitik, aldi baterako eskaintzak 341 gutxiago izan dira, guztira 609; termino erlatiboetan, jaitsiera % 35,9koa izan da. Azkenik, merkataritza-izaerako 6 eskaintza izan dira 2023ko otsailean, aurreko hilean baino 8 gutxiago.



Urte arteko saldoari dagokionez, kontratu mugagabeko eskaintzak 166tan gehitu dira ( % 62,4ko igoera); aldi baterako eskaintzak % 27,2 gutxitu dira (228 eskaintza gutxiago). Azkenik, merkataritzako 2 eskaintza gutxiago erregistratu dira, 8tik 6 eskaintzatarara pasa da urteko erferentzian.

### • ESKATUTAKO ESPERIENTZIA - DENBORA

2023ko otsailean erregistratutako eskaintzen % 71,6k 0-6 hilabeteko esperientzia eskatzen dute, 750 eskaintza guztira. Erregistratutako eskaintzen % 15,1ek, hau da 158k, 6-12 hilabeteko esperientzia behar dute. Ehuneko txikiagoak dituzte esperientzia-aldi luzeagoa eskatzen duten eskaintzek, hala nola 3 eta 5 urte bitartekoak, % 1,3ko pisuarekin (14 eskaintza) eta 5 urte baino gehiago eskatzen dituztenek; 4 eskaintza eta % 0,4ko pisuarekin.



Hil arteko bilakaerari dagokionez, gora egin dute eskaintzek 6-12 hilabeteko tartean (15 eskaintza gehiago, +%10,5) eta 1-3 urteko tartean (2 eskaintza gehiago, % 1,7ko igoera). Aitzitik, beste hiru tarteen beherakadarik handiena, balio absolutuetan, 0 eta 6 hilabete bitarteko esperientzia-tartea eskatzen dutenek jasan dute, 336 kontratu gutxiagorekin ( % 30,9 gutxiago); balio erlatiboetan, aldiz, jaitsierarik handiena 3-5 urte arteko esperientziako eskaintzetan gertatu da, 25etik 14ra igaro baitira (-%44).

Urteko bilakaerari dagokionez, 6 eta 12 hilabete bitarteko lan-esperientzia eskatzen duten eskaintzek soilik egin dute gora, 22 eskaintza gehiagorekin eta % 16,2ko igoerarekin. Bestalde, eskaintzak 3-5 urteko tartean jaitsi dira gehien ( % 53,3ko jaitsiera, 16 eskaintza gutxiago); balio absolutuetan, jaitsiera handiena 0 eta 6 hilabeteko tartean izan da, 45 eskaintza gutxiagorekin (-%5,7).

## Lan-eskaintzen erregistroa 2023ko otsailean


Otsail honetan, erregistratutako lan-eskaintzek, batez beste, 7 hilabeteko esperientzia eskatzen zuten, urtarrilean baino 1 gehiago.

### • LANALDI MOTA

Analisiarekin jarraitu baino lehen, esan beharra dago ez dutela erregistratutako eskaintza guztiek zehazten zein izango den lanaldi mota: soilik eskaintzen % 15ek zehazten du datu hori (1.047 eskaintzetatik 157). 157 eskaintza horietatik, 120k lanaldi osoa eskaintzen dutenak izan dira, eta, gainontzeko 37ak, lanaldi partziala eskaini dute.

Bilakaerari dagokionez, lanaldi osoko eskaintzak 6 gutxiago izan dira urtarilarekin alderatuz, hau da, % 4,8 jatsi dira. Lanaldi partzialeko eskaintzak, berriz, hazi egin dira; 3 eskaintza gehiago eta hazkunde erlatiboa % 8,8koa izan da.

Lanaldi mota



Aurreko urteko hilabete berberarekin alderatuz, eboluzioa hurrengoa da: lanaldi osoko eskaintzak 23 gehiago izan dira (% 23,7 gehiago), eta lanaldi partzialeko kasuan, 1 gutxiago (% 2,6ko beherakada).

### • ALDI BATERAKO LANERAKO ENPRESAK (ABLE)


Hil honetan 16 lan eskaintza kudeatu dira ABLEn bitartez, aurreko hilean baino eskaintza 1 gutxiago eta aurreko urtean baino 9 gutxiago.

### • ESKATUTAKO PRESTAKUNTZA MAILA

Adierazle honi buruzko datuak ere ez dira beti zehazten lan-eskaintzak erregistratzeko orduan. Eskaintzen % 79k ez du zehazten zein den eskatutako prestakuntza maila minimoa: 1.047 eskaintzetatik 220k soilik zehaztu dute.

220 eskaintza horietatik, 84k LH mailako prestakuntza eskatu dute; ikasketa maila honetako eskaintzak izan dira ugarienak. Ondoren, oso gertu, unibertsitateko ikasketa maila eskatu dutenak daude; 83 izan dira otsailean. Azkenik, eta alde handiarekin, oinarritzko eta batxilergoko ikasketak eskatzen dituzten eskaintzak daude (40 eta 13 eskaintza, hurrenez hurren).

Eskatutako gutxieneko prestakuntza maila



Hil arteko erlazioari dagokionez, profil guztietako eskaintzek behera egin dute. Jaitsierarik handiena, balio absolututan, LHko ikasketak eskatzen dituzten eskaintzetan gertatu da, 23 eskaintza gutxiagorekin (% 21,5eko jaitsiera); balio erlatiboetan, gehien jaitsi diren eskaintzak batxilergoko ikasketak eskatzen dituztenak izan dira (% -23,5, 4 eskaintza gutxiago).

## Lan-eskaintzen erregistroa 2023ko otsailean

2022ko otsailarekin alderatuta, batxilergo-eskaintzak (+2 eskaintza eta % 18,2 gehiago) eta unibertsitatekoak (+10 eskaintza, % 13,7 gehiago) igo egin dira; aitzitik, LHko eskaintzak (-13 eskaintza, % 13,4ko murrizketa) eta derrigorrezkoak (9 eskaintza gutxiago, % 18,4ko murrizketa) jaitsi egin dira.

### • ESKAINTZAREN JARDUERA

EAEko enplegu-bulegoetan erregistratutako lan-eskaintzen kopuruari dagokionez, gehien nabarmentzen dena manufaktura industria da; honen pisua eskaintza guztien % 16,5koa izan da (173 eskaintza). Nabarmentzeko beste jarduera bat merkataritza izan da, eskaintzen % 13,2ko pisua izan baitu (138 eskaintza).

Aurreko hilabetearen aldean, eskaintzek behera egin dute ia profil guztietan; salbuespenak energia-hornidura (2 gehiago) eta ur-hornidura eta erauzketa-industria (berdin mantendu dira) izan dira. Termino absolutuetan zein erlatiboetan gehien jaitsi diren eskaintzak administrazio-jarduerenak izan dira; 101 gutxiago eta % 56,7ko murrizketa.

Urte arteko saldoari dagokionez, eskaintza-maila esanguratsua duten jardueren artean bilakaera onena izan dutenak profesional zientifiko-teknikoenak izan dira, 26 eskaintzatan hazi baitira (ehunekotan, % 28,9ko igoera). Aitzitik, balio absolututan bilakaera txarrena izan duen jarduera manufaktura-industria izan da, 37 eskaintza gutxiago (% 17,6 gutxiago); balio erlatiboetan, aldiz, bilakaera txarrena beste zerbitzuen jarduerak izan du, % 32,7ko jaitsierarekin (18 eskaintza gutxiago).

### Eskaintzaren jarduera

